

南宮縣志卷三

鹽山賈恩紱編輯

疆域志

物產篇

自班氏地志暨後世圖經往往涉及物產近代學校中談地理者尤以物產爲重是物產者地理之要刪也顧地學家之志物產皆有專屬不應泛及而方志之志物產則否祛其異不避其同不拘拘於方隅也茲就舊志及訪冊所載類別條分不復雜廁以便檢覈而已其大別凡三曰植物之屬曰動物之屬曰貨物之屬屬之中復以類從植物之類有三曰穀類曰草類曰木類動物之類有四曰蟲類曰魚類曰鳥類曰

南甯縣志 卷三
獸類貨物之類有二曰天然類曰工製類類之中或體或用
更別以目凡以本境所產者著於篇

植物之屬

穀類

稷 稷爲百穀之長北方專呼爲穀者也今訪冊誤稷爲稌
非是有青黃赤白數種其性有黏有不黏光緒志引李時珍
說謂稷與黍一物不黏者爲稷非也左傳疏云稷粟也蓋秦
漢以前稷粟同訓在田曰穀在倉曰粟其實一也凡禾稼皆
得蒙以穀名凡籽粒皆得蒙以粟名因此遂不知穀之爲稷
粟本名稷矣稷之精者則曰粱以祭則曰粢以稌訓稷誤始
于蘇恭以高粱訓稷誤始于程瑤田光緒志亦爲程說所誤

又誤以稷粟爲二茲刪粟存稷竝正高粱訓稷之謬深州風土記辨之甚詳可參攷也

黍 光緒志云黍秬黑黍秠一糲二米冀州宜黍周禮職方有赤

黍黑黍黏者別名稭北人謂黃米亦謂之黃糯爾雅翼

高粱 或名蜀黍俗名曰稭其粟白者第五六區善種之他

區則否徵之載籍始于漢代不得冒稷之名光緒志云紅白

二種最多

麥 冬種夏收光緒志云蘇頌曰小麥具四時中和之氣故

爲五穀之貴本草綱目小麥分直麥糙麥春麥三種

麩麥 光緒志云麩麥牟麥也說文大麥也廣韻一曰春麥玉篇春

種夏收莖葉與小麥相似但莖微大色深青而外如白粉芒

長穀與粒相黏未易脫

羣芳譜

仁可作飯生芽作餽

畿輔通志

棒子

俗以其形呼曰棒子又改木從禾元明以後始見亦

名包穀有黃白二種赤者間有舊志名爲玉蜀黍光緒志云

玉蜀黍粒如芡實大而瑩白

羣芳譜

李時珍曰其苗俱似蜀黍

而肥矮亦似薏苡高三四尺六七月開花成穗苗心別出一

苞上出白鬚垂垂久則苞拆子出

本草綱目

蕎麥

光緒志云蕎麥莖弱而翹然易長易收磨麪如麥故

曰蕎北方作煎餅及餅餌日用以供常食名曰河漏農人以

爲禦寒之具

羣芳譜

稻

光緒志云稻有秈有糯北方以爲佳品北方地平惟澤

土宜旱稻

羣芳譜

東陽種此者少然前數年城西窪積水連年

亦有種之者

稗 禾之賤者光緒志云稗禾別也

說文

有二種一黃白一紫

黑紫黑者苞有毛北方呼爲烏禾

爾雅翼

野生苗葉似糝子如

黍用與糝子同

羣芳諱

俗名禾子本地種者不多

脂麻

光緒志云脂麻中國有四稜六稜者外國得八稜黑

麻種又曰胡麻一曰巨勝卽黑芝麻也

素問經

李時珍曰胡麻

卽芝麻也寇宗奭曰以其種來自大宛故曰胡麻胡地所出

者皆肥大其紋鵲其色紫黑取油亦多

本草綱目

今本地取油以

白色爲佳赤紫次之

菽 菽眾豆之總名

物理論

北方其地宜菽

淮南子天文訓

戎菽大豆

也爾雅有黑白黃褐青斑數種

千金翼方

黑豆中最細者曰穠豆亦

日料豆北方以飼馬

農政全書

以上六條均錄光緒志

小豆

一名赤豆一名紅豆夏至後種赤黯而緊小者入藥

羣芳譜

綠豆

一作菉

以色名也圓小者佳大者名植豆功用亦頗同

羣芳譜

性涼色綠

本草

四月種秋開小白花莢長二三寸可以解

諸物之毒

農書

豌豆

今北土多有之百穀中最爲先登磨爲麪甚白膩

正字

通

苗生柔軟宛然故有是名

羣芳譜

蓋蔬品也

黃豆

有大小二種種植忌壬子日可食可醬可豉可油可

腐油滓可糞地葉名藿嫩時可爲茹

農書

降雙

卽豇豆李時珍曰紅色居多莢必雙生故有降雙之

名本草綱目一種蔓長丈餘一種蔓短懸架則繁嫩時充蔬老則

收子可穀可果取用甚多有青紫黑三種通志白者名狸豆

一名黎豆又名虎豆黎黑色採訪

蔬類穀之副品故列穀後

菘古爲葵晉以來爲菘秋末晚菘卽白菜也通雅燕趙所種

者最肥大而厚一本有重十餘斤者北方人多入窖內羣芳譜

極爲脆美其細者爲箭幹白通志

韭正月園中見韭夏小正菜一種而久者謂之韭說文李時珍

曰北人至冬移根於土窖中培以馬糞暖則長高可尺許不

見風日其葉黃嫩謂之韭黃本草綱目

蘼荳作荒一名香荳一名胡荳通志根輒而白多鬚綫綫

然故謂之菱張騫得種於西域故名胡菱後因石勒諱改作

香菱

羣芳譜

菠菜 一名菠薐一名波斯草出西域頗陵國北人以爲常

食春月出臺嫩而且美春暮臺漸老沸湯晾過曬乾備用甚

佳誠四時可用之菜也

羣芳譜

正二月種可備春蔬

畿輔通志

菰蓮 熟食良微作土氣

羣芳譜

一名恭菜

畿輔通志

根狀類茄蓮

以火煨之味甜美

飲膳正

同蒿

一作蒿

似白蒿甘美滑膩最爲佳品

羣芳譜

芹

楚葵也

說文

水菜也

詩鄭箋

一名水英

爾雅疏

潔白而有節其

氣芬芳

埤雅

萵苣

出倭國有紫白二色食之能固齒

遜齋問覽

莖如荀俗呼

萵筍

畿輔通志

苦菜

一名苦苣一名天香菜處處有之但在北方者至冬

卽落

羣芳譜

詩誰謂荼苦卽苦菜也俗名曲曲菜

陸隴其茶蓼辨

蔥

一名扎空中也諸物皆宜故曰菜伯和事

羣芳譜

蒜

葉如蘭莖如蔥根如水仙味辛處處有之而北方以爲

常食

同上

李時珍曰山蒜石蒜澤蒜同一物但分生不同

本草綱目

蔓菁

南北通有之北土種之尤多

爾雅翼

陳藏器曰蕪菁北

人名蔓荊

本草綱目

一名諸葛菜北方甚多

羣芳譜

芥

一名臘菜其氣辛有介然之義又可過冬也

羣芳譜

其子

磨爲麪名芥末

採訪冊

茄落蘇也

本草

有紫青白三種北人以爲常食

羣芳譜

今本境

形圓而紫色者多

採勸冊

蘿蔔 一名萊菔 一名紫花菘 處處有之 北土尤多 狀有長

圓二類 根有紅白二色 根葉皆可生 可熟 可菹 可壅 可醬 可

豉 可糖 可醋 可臘 可飯

羣芳譜

旱蘿蔔 色紅 形圓而大

畿輔通志

韓

家莊所產 甘脆爲全縣冠

胡蘿蔔 有赤黃二種 長五六寸 大者盈握 元時來自虜中

故名

羣芳譜

外細內黃 味甘 八月下種 冬月收根 生熟可啖

畿輔

通志

土芋

陳藏器曰 蔓生 葉如豆 其根圓如卵

本草綱目

一種紅者

曰紅薯 白者名白薯 王道寨所產最佳 號曰寨藥 又俗名山

藥 紫皮白肉 亦有黃肉者 味甘 質甚膩潤 葉充蔬

採訪冊

按山

藥與薯本二種舊志訪冊皆混而一之

莧 李時珍曰北人呼爲糠莧柔莖細葉味比家莧更勝韓

保升曰莧凡六種赤莧白莧人莧紫莧五色莧馬莧也

本草綱目

黃花菜 一名金鍼一名綠茵

幾輔通志

苜蓿 李時珍曰源出大宛張騫帶入中國

本草綱目

葉似豌豆

紫花三晉爲盛齊魯次之燕趙尤次之

廣羣芳譜

六月種嫩苗雜

面蒸食荻葉以飼馬

灰藿 一名灰條菜一名金鎖天源處處有之

羣芳譜

蓴類附

胡瓜 陳藏器曰北人避石勒諱改呼黃瓜至今因之

本草綱目

種之火室中逼生花葉二月初卽結小實

學圃餘疏

南瓜 附地蔓生結實形圓而堅扁色黃有白紋界之微凹

不可生食

羣芳譜

按羣芳譜所敘形狀卽今所稱之北瓜

倭瓜

一名北瓜似南瓜而形長

纖輔通志

按北瓜名倭瓜名實

相符但形長者少又一種形如倭瓜而兩層色半綠半黃名曰看瓜不能食

冬瓜

馬志曰此瓜經霜後皮上白如粉塗

本草綱目

其形長巨

其色深青

絞瓜

形似甜瓜微破其皮以箸絞之內成絲故名

絲瓜

可熟食不可生食

齊民要術

俗名大絡嫩時充蔬老則筋

絡如織可滌器

纖輔通志

西瓜

胡嶠陷虜記嶠征回紇得此種歸名曰西瓜據此則

五代始入中國黃白紅瓢三種

甜瓜 蘇頌云青白二種其實黃白花皮不僅青白也子可

接骨

草類 花莖 野生

牡丹 一名鼠姑一名木芍藥性宜寒畏熱喜燥惡濕得新

土則根旺向陽則性舒忌烈風炎日若種治有法可開至七

百葉面可經尺 羣芳譜

芍藥 一名白朮 本草經 一名將離有二種有草芍藥木芍藥

木者花大而色彌鮮俗呼爲牡丹非也 崔豹古今註 唐宋文人謂

芍藥爲婪尾春 清異錄

迎春 李時珍曰處處人家栽插之叢生高者二三尺方莖

厚葉

本草綱目

狀如丁香而色黃先春開故名迎春

畿輔通志

丁香

有紫白二色紫似棟花白似綿春三月放花葩萼相

附如綬之垂氣甚香烈

花譜

月季

一名月月紅一名長春花灌生處處有之青莖長蔓

葉小如薔薇莖與葉俱有刺花有紅白及淡紅者三色逐月

一開四時不絕

羣芳譜

葦

大者爲席次者爲箔下爲薪東北境多葦塘

蘆

葦之小者花白如絮其蔓生者可飼牲畜蘇詩蓬蒿滿

地蘆芽短者是也

荻

葦屬

蒿

種類不一子可榨油藥中茵陳俗名白蒿者最有用餘

皆薪材廣雅作因塵

蒲 水生葉如劍形根白蒲筍可食別有臭蒲不可食

茅 葉窄而長穗如蘆柔靱可爲繩詩所云晝爾于茅宵爾索綯是也根性甘可爲糖

芄蘭 蔓生葉圓有角如錐詩以佩觿佩觿興之所謂芄蘭之枝也俗名老鸛瓢

蓬 俗名刺蓬秋末根斷隨風無定古所謂蓬飄梗泛者也
莫 俗名土兒酸初生或有食者

馬絆草 蔓生有節長六七尺用飼牛或絞作索用以束麥
豬牙草 一名節節草

馬蘭 花葉皆似蘭而粗馬大也故曰馬蘭葉多筋可作索

或蒸熟搗爛作梵夾若更精細當可成紙

華麻 一作草麻葉大如瓠莖中空有赤白之分俗名包麻

專取子以作油亦出產大宗又一種小於草麻名大麻子蘇

恭云草麻葉似大麻子而甚大是也

本草大麻仁張仲景麻子仁丸卽大麻仁也

馬鞭草

艾 蒿屬葉較大揉之成絨以灸宿疾所謂七年之病求三年之艾者古名灸草醫草五月五日以故事作艾虎艾人以祓不祥

蒺藜 其實多刺故易曰困於蒺藜爾疋蒺藜郭云布地蔓生細葉子有三角刺人又一種名倉子實亦多刺而細蒺藜白者入藥

木類 材木 果品

松 百木之長猶公故字從公字說其葉有兩鬣五鬣七鬣格物

總論三鍼者爲栝子松七鍼者爲果松羣芳譜廟及古寺中多有

之

柏 栲也爾雅邕日以栲栲柏也禮記雜註柏性堅緻有脂而香埤雅

松柏爲百木長史記有一種葉扁而側生者名側柏保定府志

槐 守宮槐爾雅槐生季春更旬始規淮南子槐者虛星之精十

月上已取子服之延年通神太清草木方

榆 白松也格物論榆卽樞也榆有十種葉皆相似皮及木理

異耳未生葉時枝條間先生榆莢似錢而小俗呼榆錢可作

羹爾雅疏